



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ადილელები

ადილელები (საკ. სახელწ. ადილე), ჩრდ.-დას. კავკ. აბორიგენი ხალხი.

ცხოვრობენ ადილეში, კრასნოდარის მხარის ლაზარევსკაიას, ტუაფსესა და ნოვოკუბანსკის რ-ნებში, სულ რუსეთში 125,8 ათ. კაცი (2010). ა. მონათესავე ყაბარდოელებსა და ჩერქეზებთან ერთად კავკ. უძველეს მკვიდრთა ადილეების შთამომავალნი არიან. ლაპარაკობენ ადილურ ენაზე. ანთროპოლოგიურად ყველაზე მეტად ყაბარდოელებს ჰგვანან.

XVI ს-მდე ქრისტიანები იყვნენ, შემდეგ მათ შორის ისლამმა (სუნიზმი) მოიკიდა ფეხი. XVIII-XIX სს-ში ა-ში შედიოდნენ ნათხვაჯები, ბჟედულები, აბაძეხები, შაფსულები, ჭემგუელები, ბესლანელები და სხვა მცირე ტომები (ამჟამად ტომობრივი დაყოფა აღარ არსებობს). ა-ის დიდი ნაწილი XIX ს. 60-იან წლებში თურქეთში გადასახლდა. ა-ის საბ. ცხოვრება ფეოდალ.-პატრიარქალური ხასიათისა იყო. ისინი უპირატესად სოფლის თემებად ცხოვრობდნენ, მისდევდნენ მინათმოქმედებას, მესაქონლეობას, მებაღეობას. ვითარდებოდა ხელოსნობა-ოქრომჭედლობა, მეთუნეობა, ლითონდამუშავება, მჭედლობა და სხვ.

XX საუკუნეში ა-ის ყოფა-ცხოვრებაში მნიშვნელოვანი ცვლილებები მოხდა. ამჟამად რუსეთის ფედერაციის შემადგენლობაში შექმნილია ადილეს რესპუბლიკა.

ლიტ.: А у т л е в М. Г., З е в а к и н Е. С., Х о р е т л е в А. О., Адыги, Майкоп, 1957; Народы Кавказа, т. 1, М., 1960.

